



Lets in Osterie:
JACUM DAI 'ZEIS
di Angelo Covazzi

CE LIBRI ISAL?

Al è un libri jessût par lis edizions Ribis intal 1995 (in cheste edizion, ma dopo si cjate in altris dal 2004), par opare di *Angelo Covazzi*, che al met dongje, dopo une introduzion par talian, lis storiis di Giacomo Bonutti, ven a stâi, Jacum dai Zeis. Il libri al à 85 pagjinis, ta che volte al costave tor i 15000francs e dentri a son dai disens e cualchi fotografie. Si siere ancje cuntune bibliografie dai tescj che a àn judât a che cheste ricercje

MA CUI ISAL L'AUTÔR?

No savìn masse di lui, si no che al à publicât simpri pe Ribis, altris libri come *Che din che volte* (1997), *Chei di cumò* (1998) e *Detulis e Contis* (2000).

MA CE ISAL DENTRI, DI PRECÎS?

Une schirie di testemoneancis su la figure di Giacomo Bonutti, marcjadant une vore brâf a fevelâ e cjoli in zîr la int e che al saveve contâle une vore. Devant des contis e je une bieles biografie dal om, insom dal libri un piçul struc, par ogni conte, che e dîs dulà e cuant che e

je stade sintude e trop acreditabile che e pues jessi. Par fâ cualchi titul: La cjamese dal plevan, Mus scusimi, Muse di pote, Un bon paron a Udin, Tirâ i voi... ecc. In dut 'nd è 53 contis.

MA A CUI I PUEDIAL PLASÊ?

A ducj chei che a àn simpri sintût fevelâ di Jacum dai zeis e a àn voie di savênt di plui, a chei che ur plasin lis figuris borderline dal Friûl, a chei che a àn voie di fâsi cualchi ridade, e a ducj chei che a son interessâts a une figure furlana che pûr no jessint nissun e je jentrade intal imagjinari furlan come un dai plui cognossûts e simpatics matarans dal Friûl.

E SE O AI VOIE DI CJOILU?

Si rive adore a ordenâlu intai sîts in internet, ma a si lu pues cjatâ ancje tes bibliotechis e in cualchi bancut di libris vieris furlans.